



- SENAT -

Broj: 01- 8214...../17

Sarajevo, 29. 11. 2017. godine

PRIDODNO		UNIVERZITET	
UNIVERZITET		SARAJEVU	
11-12-2017			
01/01-	3113	/1-	2017
			Komada

Na osnovu člana 130. Zakona o visokom obrazovanju („Službene novine Kantona Sarajevo“ broj 33/17) i člana 56. Statuta Univerziteta u Sarajevu, Senat je, na 13. redovnoj sjednici održanoj 29. 11. 2017. godine, donio *sljedeću*

ODLUKU

I

Usvaja se Pravilnik o načinu korištenja softvera za detekciju plagijarizma na Univerzitetu u Sarajevu.

II

Sastavni dio ove odluke čini pravilnik iz tačke 1. ove Odluke.

III

Ova Odluka stupa na snagu danom donošenja.

REKTOR

Rifat Škrjelj
Prof. dr. Rifat Škrjelj



Dostavljeno:

- Organizacionim jedinicama
- Službi za kvalitet
- U dokumentaciju
- Arhivi

PRAVILNIK O NAČINU KORIŠTENJA SOFTVERA ZA DETEKCIJU PLAGIJARIZMA

Član 1.

Ovim pravilnikom se uređuje način korištenja softvera za detekciju plagijarizma na Univerzitetu u Sarajevu.

I Korištenje softvera za detekciju plagijarizma za provjeru doktorskih disertacija

Član 2.

Svaka urađena doktorska disertacija, koja je prijavljena na organizacionoj/podorganizacionoj jedinici u sastavu Univerziteta u Sarajevu, mora da prođe provjeru korištenjem softvera za detekciju plagijarizma

Član 3.

Rezultat provjere doktorske disertacije korištenjem softvera za detekciju plagijarizma, obavezan je dio izvještaja Komisije za ocjenu doktorske disertacije

Član 4.

Provjera doktorskih disertacija korištenjem softvera za detekciju plagijarizma vršit će se na sljedeći način:

- nakon što kandidat preda urađenu doktorsku disertaciju organizacionoj/podorganizacionoj jedinici, dekanat je dužan da Službi za izdavačku djelatnost Univerziteta Sarajevu, u roku od 5 radnih dana, dostavi disertaciju u elektronskom obliku (PDF) na e-mail adresu **provjera @ unsa.ba**,
- Služba za izdavačku djelatnost Univerziteta u Sarajevu, u roku od 5 radnih dana, dostavlja Komisiji zaduženoj za praćenje korištenja softvera, a koju imenuje Senat, rezultat provjere disertacije izvršen putem softvera za detekciju plagijarizma. Komisija u roku od dva radna dana dostavlja dekanatu rezultat provjere doktorske disertacije,
- rezultat provjere doktorske disertacije korištenjem softvera za detekciju plagijarizma dekanat dostavlja Komisiji za ocjenu doktorske disertacije uz ostalu dokumentaciju potrebnu za sačinjavanje izvještaja o urađenoj doktorskoj disertaciji,
- Komisija za ocjenu doktorske disertacije dužna se izjasniti pismenim putem o dostavljenom rezultatu provjere disertacije korištenjem softvera za detekciju plagijarizma. Izvještaj, po ovom pitanju, Komisija za ocjenu je dužna proslijediti Komisiji zaduženoj za praćenje korištenja softvera za detekciju plagijarizma. Dostavljeni Izvještaj se protokoliše i čuva u Službi za izdavačku djelatnost.

II Korištenje softvera za detekciju plagijarizma za provjeru originalnosti naučnih radova koji se objavljuju u časopisima čiji je izdavač Univerzitet u Sarajevu

Član 5.

Naučni časopisi čiji je izdavač Univerzitet u Sarajevu/organizaciona jedinica obavezni su prije objavljivanja rada s određenom tipologijom prefiksa naučni, provjeriti dostavljeni članak korištenjem softvera za detekciju plagijarizma.

Uredništvo časopisa dostavlja Službi za izdavačku djelatnost Univerziteta u Sarajevu rad u elektronskom obliku, sa zahtijevom da se provjeri korištenjem softvera za detekciju plagijarizma. Rad koji treba provjeriti dostavlja se Službi za izdavačku djelatnost Univerziteta u Sarajevu u elektronskom obliku (PDF) .

Služba za izdavačku djelatnost Univerziteta u Sarajevu dostavlja Komisiji zaduženoj za praćenje korištenja softvera rezultat provjere u roku od 5 radnih dana od dana dostavljanja zahtjeva. Komisija za praćenje korištenja softvera dostavlja rezultat provjere uredništvu časopisa.

Uredništvo je dužno sačiniti izvještaj o provjeravanom članku na osnovu rezultata provjere i isti uz odluku dostaviti autoru/autorima i Komisiji za praćenje korištenja softvera za detekciju plagijarizma.

Dostavljeni izvještaj i odluka se protokolišu i čuvaju u Službi za izdavačku djelatnost Univerziteta u Sarajevu.

III Korištenje softvera za detekciju plagijarizma za pitanja koja su u nadležnosti Senata

Član 7.

Senat može u svom radu da koristi softver za detekciju plagijarizma.

Ako se prilikom razmatranja nekog pitanja koje je u nadležnosti Senata pojavi potreba, ili se uputi zahtjev od strane organizacione jedinice, za korištenjem ovog softvera, Senat će o tome donijeti odluku na osnovu koje će uputiti zahtjev za provjeru.

U zahtjevu se navodi koji naučni rad ili druga naučna publikacija treba biti provjerena korištenjem softvera za detekciju plagijarizma.

Član 9.

Senat dostavlja Službi za izdavačku djelatnost Univerziteta u Sarajevu naučni rad ili drugu publikaciju u elektronskom obliku, odnosno rukopis iz prethodnog stava, sa zahtijevom da se provjeri korištenjem softvera za detekciju plagijarizma.

Rad koji treba provjeriti dostavlja se Službi za izdavačku djelatnost Univerziteta u Sarajevu u elektronskom obliku (PDF) .

Služba za izdavačku djelatnost Univerziteta u Sarajevu dostavlja Komisiji za praćenje korištenja softvera, rezultat provjere u roku od 5 radnih dana od dana dostavljanja zahtjeva.

Komisija za praćenje korištenja softvera u roku od dva radna dana dostavlja rezultat provjere Senatu/organizacionoj jedinici.

Protokolisan izvještaj Senata o rezultatima provjere čuva se u Službi za izdavačku djelatnost Univerziteta u Sarajevu.

IV Ispravnost provjere

Član 9.

Svaki naučni rad ili druga publikacija, odnosno rukopis se može iz tehničkih razloga validirati samo jednom.

Član 10.

Provjeru može vršiti samo lice educirano i ovlašteno od strane Univerzitetskog teleinformatičkog centra.

Rezultat provjere upućuje se na postupanje tražiocu provjere.

V Prelazne i završne odredbe

Član 11.

Organizacione/podorganizacione jedinice dužne su se pridržavati odredaba ovog pravilnika. Softverom za detekciju plagijarizma provjeravat će se doktorske disertacije koje su prispjele za ocjenu danom stupanja na snagu ovo pravilnika, kao i sve buduće doktorske disertacije.

Član 12.

Izmjene i dopune ovog pravilnika vrše se na način i po postupku propisanim za njegovo donošenje.

Član 13.

Ovaj Pravilnik stupa na snagu osmog dana od datuma objavljivanja na oglasnoj ploči Univerziteta i web stranici Univerziteta



REKTOR

Prof. dr. Rifat Škrijelj

Broj: 01-8214-1/17

U Sarajevu, 29.11. 2017. godine